



KEN POR PARTISIPA NA E SKRINEN

Hende muhê entre 25 i 65 aña. Hende muhê ku ta riba 65 aña i a hasi un Pap tèst mas ku 10 aña pasá tambe por partisipá na e skrinen.

KEN NO POR PARTISIPA NA E SKRINEN

Hende muhê ku a saka matris i e boka di matris. Hende muhê ku ta na estado òf te ku 3 luna despues ku a duna lus. Hende muhê ku ta bou di tratamentu òf kòntrol di un ginekòlogo. Hende muhê ku a hasi un HPV tèst menos ku 3 aña pasá.

TEPS PA E DIA DI SKRINEN

Abstené di relashon seksual 3 dia promé ku e sita. No usa óvulo òf ducha vaginal promé ku e sita. Posponé e fecha di bo sita si haña bo regla.

KUANTU E TÈST TA KOSTA

E tèst ta grátis pa tur hende muhê ku ta den e grupo di enfoka i ku ta inskribí na kranshi.

PA INFORMASHON ADISHONAL

Pa mas informashon tokante e skrinen di poblashon pa kanser na boka di matris por tuma kontakto ku Fundashon Prevenshon.

Pa traha un sita tuma kontakto ku bo dòkter di kas, yama òf pasa bou di oranan di ofisina na Fundashon Prevenshon na Rialtostraat 2-4, Molenplein (Otrobanda).

Por traha sita pa skrinen pa kanser na boka di matris na un di nos sentronan: Otrobanda, Sambil, Sentro Médiko Sorsaka, Sentro Médiko Aesculapius i Tera Kòrá.

Fundashon Prevenshon ta ofresé transporte grátis riba dia di bo sita.



fp

fundashonprevenshon

FUNDASHON PREVENSHON

Rialtostraat 2-4, Molenplein
Willemstad, Curaçao

T: 462-3380 | 0800-1811 (grátis)

F: 465-3390

E: info@fundashonprevenshon.com

www.fundashonprevenshon.com



FundashonPrevenshon

SKRINEN DI POBLASHON
KANSER NA BOKA DI MATRIS



KON KANSER NA BOKA DI MATRIS TA MANIFESTA

DIKON E SKRINEN DI POBLASHON

Meta di e skrinen di poblashon ta pa detektá prekanser na boka di matris mas trempan posibel. Na yùni 2016 Fundashon Prevenshon a inisiá e skrinen di poblashon pa stimulá prevenshon na Kòrsou. Mundialmente kanser na boka di matris ta e di dos kanser mas frekvente serka hende muhé. Paisnan ku a kuminsa ku e programa di skrinen a demonstrá un bahada den e kantidat di kasonan di kanser na boka di matris.

Fundashon Prevenshon ta skrin hende muhénan entre 25 i 65 aña.



25-29 aña

Solamente Pap tèst.



30-65 aña

HPV tèst, si esakí ta positivo ta hasi un Pap tèst.

Infekshon ku e virus HPV por kousa un estadio pre kanseroso na e boka di matris. HPV ta nifiká Human Papilloma Virus. Transmishon di e virus ta pa medio di kontakto seksual. Mas ku 80% di poblashon ta infektá ku HPV por lo menos un biaha den nan bida. Afortunadamente mayoria biaha e kurpa mes ta deshasí di e vírus aki. Den 3-4%, e kurpa no ta logra deshasí di e vírus. Esakí por resultá den kambionan pre kanseroso di e selulanan di e boka di matris. Despues di mas o ménos 10-15 aña e vírus por kousa kanser na boka di matris. Sintomanan usualmente ta presentá den un estadio avansa di kanser na boka di matris. Sintomanan di kanser na boka di matris ta entre otro sangramentu fuera di e periodo di menstruashon, sangramentu despues di tene relashon seksual i sangramentu despues di menopausa.

KIKO TA E DIFERENSHA ENTRE HPV TÈST I PAP TÈST

HPV tèst ta detektá presensia di e vírus. Pap tèst ta indiká kambionan di e selulanan na e boka di matris. Hende muhénan entre 25 i 29 aña ta hasi solamente e Pap tèst. Hende muhénan entre 30 i 65 aña ta hasi e HPV tèst. Na momentu ku e HPV tèst ta positivo mester saka un Pap tèst for di e mesun muestra.

KON TA TUMA E MUESTRA

Promé ta duna kliente splikashon i chènens pa hasi pregunta. Ta pidi e kliente pa desnudá su parti di kurpa abou pa hasi e tèst. Despues ta pone e 'boka di patu' den e vagina. Asina e garganta di matris, e parti mas abou di e matris ta bira visibel. Ta pasa un skeiru finí chiki riba e boka di matris pa tuma e muestra. Ta analisá e muestra den laboratorio. E laboratorio ta manda e resultado pa bo dòkter di kas.

DIKON TA IMPORTANTE PA PARTISIPÁ

Ta importante pa detektá e presensia di e vírus mas trempan posibel i pa detektá un estadio di prekanser na boka di matris. E tratamentu lo ta menos pisá i mas eksitoso.